

法句譬喻經卷第一

獸三

西晉沙門法炬共法立譯

無常品第一

昔者天帝釋五德離身自知命盡當下生世間在陶作家受驢胞胎何謂五德一者身上光滅二者頭上華萎三者歟離本座四者腋

乙

文別

下汗臭五者塵土著身以此五事自知福盡

甚大憂愁自念三界之中濟人苦厄唯有佛耳於是奔馳往到佛所時佛在耆闐崛山石室中坐禪入普濟三昧天帝見佛稽首作禮伏地至心三自歸命佛法聖衆未起之間其命忽盡便至陶家驢母腹中作子時驢自解

走瓦坯間破壞坯器其主打之尋時傷胎其神即還入故身中五德還備復爲天帝佛三昧覺讚言善哉天帝能於殞命之際歸命三

尊罪對已畢不更勤苦

余時世尊以偈頌曰

所行非常 謂興衰法 夫生輒死 此滅爲樂

帝釋聞偈知無常之要達罪福之變解興衰之本遵寂滅之行歡喜奉受得須陀洹道昔佛在舍衛國精舍中爲諸天人龍鬼說法時國王波斯匿夫人年過九十卒得重病醫藥不差遂便喪亡王及國臣如法葬送遷神墳墓葬送畢訖還過佛所脫服跣襪前禮佛足佛命令坐而問之曰王所從來衣鹿形異何所施爲也王稽首曰國大夫年過九十一間得重病奄便喪亡遣送靈柩遷葬墳墓今始來還過觀聖尊佛告王曰自古至今大畏有四生則老枯病無光澤死則神去親屬別離是謂爲四不與人期萬物無常難得久居一日過去人命亦然如五河流晝夜無息人命馳疾亦復如是於是世尊即說偈言

如河駛流 往而不返人命如是 逝者不還佛告大王 世皆有是無長存者皆當歸死無

有脫者往昔國王諸佛真人五通仙士亦皆過去無能住者空爲悲感以損軀形夫爲孝子哀愍亡者爲福爲德以歸流之福祐往追如餉遠人佛說是時王及群臣莫不歡喜忘憂除患諸來一切皆得道迹昔者

佛在羅閱祇竹園中與諸弟子入城受請說

獸三

法畢訖晡時出城道逢一人驅大群牛牧還入城肥飽跳騰轉相觸觸

於是世尊即說偈言

譬人操杖行牧食牛老死猶然亦養命去千百非一族姓男女貯聚財產無不裹喪生者日夜命自攻削壽之消盡如榮穿水

佛到竹園洗足却坐尊者阿難即前稽首問言出尊向者道中說此三偈不審其義願蒙開化佛告尊者阿難汝見有人驅牧群牛不唯然見之佛語尊者阿難此屠家群牛本有千頭屠家日日遣人出城求好水草養令肥長擇取肥者日牽殺之殺之過半而餘者不

覺方相触跳騰鳴吼傷其無知故說偈耳佛語尊者阿難何但此牛世人亦爾計於吾我不知非常饕餮五欲養育其身快心極意更相殘賊無常宿對卒至無期謎然不覺何異於此也時座中有食養比丘二百人聞法自勵速六神通得阿羅漢衆座悲喜爲佛作禮

佛昔在舍衛國祇樹給孤獨園爲諸弟子說法時有梵志女年十四五端正聰辯父甚憐愛卒得重病即便喪亡田有熟麥爲野火所燒梵志得此憂惱愁憤失意恍惚譬如狂人不能自解傳聞人說佛爲大聖天人之師演說經道志憂除患於是梵志往到佛所作禮

獸三

長跪白佛言素少子息唯有一女愛以忘憂平得重病捨我喪亡天性悼愍情不自勝唯願世尊垂神開化釋我憂結佛告梵志世有四事不可得久何謂爲四一者有常必無常二者富貴必貧賤三者合會必別離四者強健必當死於是世尊即說偈言

常者皆盡 高者亦墮 今會有離生者有死  
梵志聞經心即開解願作比丘鬚髮自墮即  
成比丘重惟非常得羅漢道

昔佛在羅閱祇耆闍崛山中時城內有婬女  
人名曰蓮華姿容端正國中無雙大臣子弟  
莫不尋敬爾時蓮華善心自生欲棄世事作

比丘尼即詣山中就到佛所未至中道有流  
泉水蓮華飲水澡手自見面像容色紅暉頭

髮紺青形兒方正挺特無比心自悔曰人生  
於世形體如此云何自弃行作沙門宜當順  
時使我私情念已便還佛知蓮華應當化度  
化作一婦人端正絕世復勝蓮華數千萬倍

尋路逆來蓮花見之心甚愛敬即問化人從  
何所來夫主兒子父兄中外皆在何許云何  
獨行而無侍從化人答言從城中來欲還歸  
家雖不相識寧可共還到泉水上坐息語不  
蓮華言善二不相將還到水上陳意委曲化  
人睡來枕蓮花膝眠須臾之頃忽然命絕胖

脹臭爛腹潰出齒落髮墮肢體解散蓮華  
見之心大驚怖云何好人忽便無常此人尚  
余我豈久存故當詣佛精進學道即至佛所  
五體投地作禮已訖具以所見向佛說之佛  
告蓮華人有四事不可恃怙何謂爲四一者  
少壯會當歸老二者強健會當歸死三者六

親歡娛會當別離四者財寶積聚要當分散  
於是世尊即說偈言

老則色衰 壯病自壞 形敗腐朽 命終其然  
是身何用 恒漏臭處 為病所困 有老死患  
嗜欲自恣 非法是增 不見聞變 壽命無常  
非有子恃 亦非父兄 為死所迫 無親可怙

獸三

四

蓮華聞法欣然解釋觀身如化命不久停唯  
有道德泥洹求安即前白佛願爲比丘尼佛  
言善哉頭髮自墮即成比丘尼思惟正觀即  
得羅漢諸在座者聞佛所說莫不歡喜

昔佛在王舍城竹園中說法時有梵志兄弟  
四人各得五通却後七日皆當命盡自共議

言五通之力反覆天地手捫日月移山駐流

靡所不能寧當不能避此死對一人言吾入  
大海中上不出現下不至底正處其中無常  
殺鬼安知我歟一人言吾入須彌山中還合  
其表令無際現無常殺鬼安知吾處一人言  
吾當輕舉隱虛空中無常殺鬼安知吾處一

人言吾當藏入大市之中無常殺鬼趣得一  
人何必求吾也四人議訖相將辭王吾等壽

筭餘有七日今欲逃命冀當得脫還乃親省  
惟願進德於是別去各到所在七日期滿各  
各命終猶果熟落市監白王有一梵志卒死  
而中王乃悟曰四人避對一人已死其餘三  
人豈得獨免王即嚴駕往至佛所作禮却坐  
白佛言近有梵志兄弟四人各獲五通自知  
命盡皆共避之不審今者能得脫不佛告大

王人有四事不可得離何謂爲四一者在中  
陰中不得不受生二者已生不得不老三  
者已老不得不愛病四者已病不得不愛死

於是世尊即說偈言

非空非海中 非入山石間 無有地方所  
脫之不受死 是務是吾作 當作今致是  
人爲此躁擾 覆踐老死憂 知此能自靜  
如是見生盡 比丘獸魔兵 從生死得度  
王聞佛言歎曰善哉誠如尊教四人避對一  
人已亡祿命有分餘復然矣群臣從官莫不  
信受

### 法句譬喻經教學品第二

昔佛在舍衛國祇樹精舍佛告諸比丘當勤  
修道除棄陰蓋心明神定可免衆苦有一比  
丘志不明達飽食入室閉房靜眠愛身快意  
不觀非常冥冥懈怠無復晝夜却後七日其  
命將終佛愍傷之懼墮惡道即入其室彈指  
覺曰

咄起何爲寐 蜚蝶蟬蠹類 隱蔽以不淨  
迷惑計爲身 為有被斫瘞 心而嬰疾痛  
遘于衆厄難 而反爲用眼 思而不放逸

爲人學仁迹 從是無有憂 常念自滅意  
正見學務增 是爲世間明 所生福千倍  
終不墮惡道

比丘聞偈即時驚悟見佛親誨加敬悚息即  
起稽首爲佛作禮佛告比丘汝寧自識本宿  
命不比丘對曰蔭蓋所覆實不自識也佛告

比丘昔維衛佛時汝曾出家貪身利養不念  
經戒飽食却眠不念非常命終魂神生蜎蜎  
中積五萬歲壽盡復爲螺蚌之蟲樹中蠹蟲  
各五萬歲此四品虫生長冥中貪身愛命樂  
處幽隱以冥爲家不見光明一眠之時百歲  
乃覺纏綿罪網不求出要今始罪畢得爲沙  
門如何睡眠不知厭足於是比丘重聞宿緣  
慙怖自責五蓋雲除即得羅漢道

昔佛在舍衛國祇樹給孤獨園與諸天人四  
輩說法時有一年少比丘爲人頑愚質直踈  
野未解道要情意興盛思想於欲陽氣盛隆  
不能自制以此爲惱不獲度世坐自思惟有

根斷者然後清淨可得道迹即至檀越家從  
之借斧還房閉戶脫去衣服坐木板上欲自  
斫陰正坐此陰令我勤苦經歷生死無央數  
劫三塗六畜皆由色欲不斷此者無緣得道  
佛知其意愚癡乃爾道從制心心是根源不  
知當死自害墮罪長受苦痛於是世尊往入  
其房即問比丘欲作何等放斧著衣禮佛自  
陳學道日久未解法門每坐禪定垂當得道  
爲欲所蓋驚陽氣隆盛意惑自冥不覺天地  
諦自責念事皆由此是以借斧欲制斷之佛  
告比丘卿何愚癡不解道理欲求道者先斷  
其癡然後制心心者善惡之根源欲斷根者  
當先制其心心定意解然後得道於是世尊  
即說偈言

學先斷母 率君二目 廢諸營從 是上道人  
佛告比丘十二因緣以癡爲本癡者衆罪之  
源智者衆行之本先當斷癡然後意定佛說  
是已比丘慚愧即自責言我爲愚癡迷惑來

久不解古典使如此耳今佛所說甚爲妙哉  
內思正定安般守意制心伏情杜閑諸欲即  
得定意在於佛前逮得應真

昔佛在羅閱祇國靈鷲山中爲諸天人國王  
大臣說甘露法有一比丘剛猛勇健佛知其  
意遣至山後鬼神谷中令樹下坐數息求定

默三

七

知息長短安般守意斷求滅苦可得泥洹比  
丘受教往至谷中端坐定意但聞山中鬼神  
語聲不見其形但有音聲悚息怖懼不能自  
寧意欲悔還即自念言居家大富宗族又強  
復出家學道獨見安處鬼神深山旣無伴侶  
又無行人但有諸鬼數來怖人思惟如是未  
去之間於是世尊往到其邊坐一樹下而問  
之曰汝獨在此將無怖懼耶比丘稽首白言  
初未曾入山在此實憂須臾之間有一野象  
王來在邊倚樹而卧心獨歡喜遠離諸象一  
何快哉佛知象意告比丘曰汝寧知是象所  
由來不對曰不審佛告比丘此象眷屬大小

五百餘頭患厭小象捨來至此倚樹而卧自  
念得離恩愛牢獄一何快哉象是畜生猶思  
閑靜况汝捨家欲求度世方以獨自欲求伴  
侶愚冥伴侶多所傷敗獨住無對亦無謀議  
寧獨修道不用愚伴於是世尊即說偈言  
學無朋類 不得善友 寧獨守善 不與愚偕  
樂戒學行 奚用伴爲 獨善無憂 如空野象  
佛說是時比丘意解內思聖教即得應真谷  
中鬼神亦皆開解爲佛弟子受誓誠勑不復  
侵民佛與比丘共還精舍

昔佛在舍衛國祇洹精舍爲諸天人宣演經  
法時羅閱祇國有二新學比丘欲往見佛二  
國中間曠無人民于時旱熱泉水枯竭二人  
飢渴熱瘡呼吸故泉之中有升餘水而有細  
虫不可得飲二人相對曰故從遠來欲望見  
佛不圖今日沒命於此也一人言且當飲水  
以濟吾命進前見佛焉知其餘也一人答曰  
佛之明戒仁慈爲首殘生自活見佛無益寧

守戒而死不犯戒而生也一人即起極意快

飲於是進路一人不飲遂致殞命即生第二  
忉利天上思惟自省而識宿命持戒不犯今  
來生此信哉福報其不遠矣即持香華下到  
佛所爲佛作禮却住一面其飲水者道路疲  
頓經日乃達見佛神德至尊巍巍稽首禮畢

跋三

涕泣自陳我伴一人於彼命終感其不達願  
佛知之佛言吾已明矣佛以手指曰今此天  
人則是伴也全戒生天又先至矣於是世尊  
披胷示之汝觀我形不奉我戒雖云見我我  
不見汝也去我萬里奉行經戒此人則爲在  
我目前於是世尊即說偈言

跋三

學而多聞持戒不失兩世見譽所願者得  
學而寡聞持戒不完兩世受痛喪其本願  
夫學有二常親多聞安諦解義雖困不邪  
於是比丘聞偈慚怖稽首悔過嘿思所行天  
人聞偈心意欣悅逮得法眼天人衆會莫不  
奉行

法句譬喻經多聞品第三

昔舍衛國有一貧家夫婦慳惡不信道德佛  
愍其愚現爲貧凡沙門詣門分衛時夫不在  
其婦罵詈無有道理沙門語曰吾爲道士乞  
匱自居不得罵詈唯望一食耳主人婦曰若  
汝立死食尚叵得況今平健欲望我食但稽

時節不如早去於是沙門住立其前戴眼抒  
氣便現死相身體胖脹鼻口蟲出腹殲腸爛  
不淨流漫其婦見此恐怖失聲棄捨而走於  
是道人忽然捨去去舍數里坐樹下息其夫  
來歸道中見婦惟其驚怖其婦語夫有其沙  
門見怖如此夫主瞋怒問爲所在婦曰已去

九

想亦未遠夫即執弓帶刀尋跡往逐張弓拔  
刀奔走直前欲斫道人道人即化作琉璃小  
城以自圍繞其人遶城數匝不能得入即問  
道人何不開門道人曰欲使開門棄汝弓刀  
其人自念當隨其語若當得入手拳加之尋  
棄弓刀門故不開復語道人已棄弓刀門何

不開道人曰吾使汝棄心中惡意弓刀耳非謂手中弓刀也於是其人心驚體悸道人神聖乃知我心即便叩頭悔過啓道人曰我有弊妻不識真人使我興惡願小垂慈莫便見捨今欲將來勸令修道即起還歸其妻問曰沙門所在其夫具說神變之德今者在彼鄉自宜往改悔滅罪於是夫妻至道人所五體悔過願為弟子跪問道人神變聖達乃尔有琉璃城堅固難踰志明意定永無憂患行何道德致此神妙道人曰吾博學無厭奉法不懈精進持戒忍不放逸緣是得道自致泥洹於是道人因說偈言

多聞能持固 奉法為垣墻 精進難踰毀從是戒慧成 多聞令志明 以明智慧增智則博解義 見義行法安 多聞能除憂能以定為歡 善說甘露法 自致得泥洹聞為知律法 解疑亦見正 從聞捨非法行到不死處

道人說偈已現佛光相洪暉赫奕照曜天地夫妻驚愕精神戰懼改惡洗心頭腦打地壞二十億惡得須陀洹道

昔佛在拘謫尼國美音精舍與諸四輩廣說大法有一梵志道士智博通達衆經備舉無事不貫貢高自譽天下無比求敵而行無敢應者晝日執炬行城市中人問之曰何以晝日執炬而行梵志答曰卅皆愚冥目無所見是以執炬照之耳觀察卅間無敢言者佛知梵志宿福應度而行貢高求勝名譽不計無常自恃憍恣如是當墮大山地獄無央數劫求出甚難佛即化作一賢者居肆上坐即呼

卷三

十

梵志何為作此梵志答曰以衆人冥晝夜不見明故執炬火而照之耳賢者重問梵志經中有四明法為知之不對曰不審何謂四法一者明於天文地理和調四時二者明於星宿分別五行三者明於治國綏化有方四者明於將兵固而無失鄉為梵志有此四明法

以不梵志慚愧棄炬叉手有不及心佛知其意即還復身光明炳然晃照天地便持梵聲爲梵志說偈曰

若多少有聞 自大以憍人 是以盲執燭照彼不自明

佛說偈已告梵志曰冥中之甚無過於沒而晝執炬行入大國如卿所知何如一塵梵志聞之有慚愧色即便叩頭願爲弟子佛即受之令作沙門意解妄止即得應真

昔舍衛國有大長者名曰須達得須陀洹有親友長者名曰好施不信佛道及諸醫術時得重病委頓著床宗親知友皆就省問勸令

治病死死不肯答衆人言吾事日月忠孝君父畢命於此終不改志須達語曰吾所事師号曰爲佛神德廣被見者得福可試請來說經呪願聽其所說言行進趣何如餘道事之與不隨卿所志以卿病久不時除羌勸卿請佛冀蒙其福好施日佳卿便爲吾請佛及衆

默三

十一

弟子須達即便請佛及僧往詣其門佛放光明內外通徹長者見光欣然身輕佛前就坐慰問長者所病何如昔事何神作何療治長者白佛奉事日月君長先人恭敬齋戒祈請萬端得病經時未蒙恩祐醫藥針灸居門所忌經戒福德素所不知先人以來守死於此佛告長者人生世間橫死有三有病不治爲一橫死治而不慎爲二橫死懦恣自用不達逆順爲三橫死如此病者非日月天地先人君父所能除遣當以明道隨時安濟一者四大寒熱當須醫藥二者衆邪惡鬼當須經戒三者奉事賢聖矜濟窮厄德感神祇福佑群生以大智慧消去陰蓋奉行如此現世安吉終無枉橫戒慧清淨世常安於是世尊即說偈言

事日爲明故 事父爲恩故 事君以力故聞故事道人 人爲命事醫 欲勝依豪強法在智慧處 福行世世明 察友在爲謀

別伴在急時 觀妻在房樂 欲知智在說  
爲能師見道 解疑今學明 亦興清淨本  
能奉持法藏 聞能今世利 妻子昆弟友  
亦致後世福 積聞成聖智 能攝爲解義  
解則戒不穿 受法猗法者 從是疾得安  
是能散憂患 亦除不祥襄 欲得安隱吉

當事多聞者

於是長者聞佛說法心意疑惑燭然雲除良  
醫進療委心道德四大安靜衆患消除如飲  
甘露中外怡懌身安意定得須陀洹道宗室  
國人莫不敬奉

昔羅閱祇國南有大山去城二百里南土諸

國路由此山山道深邃有五百賊依險劫人  
後遂縱橫所害狼藉衆賈被毒王路不通國  
王追討不能擒獲時佛在國哀愍群生念彼  
賊輩不知罪福世有如來而目不覩法鼓日  
振而耳不聞吾不往度如石沉淵化作一人  
著好衣服乘馬帶刀手執弓矢鞍勒嚴飾金

默三

十二

銀莊校以明月珠垂珞馬體跨馬鳴絃往入  
山中群賊見之以爲成事作賊積年未有此  
便効之投石與此何異群賊齊頭徑前圍繞  
挽弓拔刀詳欲剝脫於是化人舉弓一發使  
五百賊各被一箭以刀指擬各被一瘡瘍重  
箭深即皆顛倒五百羣賊宛轉卧地叩頭歸  
降爲是何神威力乃尔乞蒙原赦以活微命  
願時拔箭使瘡除愈今者瘡痛不可堪忍化  
人答曰是瘡不痛前不爲深天下瘡重莫過  
於憂殘害之甚莫過於愚汝懷貪得之憂殘  
害之心刀瘡毒箭終不可愈此二事者根本  
深固勇力壯士所不能拔惟有經戒多聞慧  
義以此明道療治心病拔除憂愛愚癡貢高  
制伏剛強豪富貪欲積德學慧乃可得除長  
獲安隱於是化人即現佛身相好挺特金顏  
殊妙即說偈言

斫瘡無過憂 射箭無過愚 是壯莫能拔  
唯從多聞除 盲從是得眼 閻者從得燭

示導世間人。如日將無目。是故可捨癡離慢蒙富樂。務學事聞者。是名積聚德。於是五百人見佛光相重。聞此偈。叩頭歸命。魁心悔過。刀瘡毒箭自然除愈。歡喜心開。即受五戒。國界安寧。莫不歡喜。

法句譬喻經駕信品第四

獸三

十三

昔者舍衛城東南有大江水。既深而廣。有五百餘家居在岸邊。未聞道德度。世之行習於剛強欺詐。爲務貪利。自恣使心極意。世尊常念其應度者。當往度之。知此諸家福應當度。於是出尊往至水邊。坐一樹下。村人見佛光相。奇異莫不驚肅。皆往禮敬。或拜或揖。問訊起居佛命令。坐爲說經法。衆人聞之而心不信。習於欺怠。不信真言。佛便化作一人。從江南來。足行水上。正沒其踝來至佛前。稽首禮佛。衆人見之。莫不驚恠。問化人曰。吾等先人以來。居此江邊。未曾聞人行水上者。卿是何人。有何道術。履水不沒。願聞其意。化人答曰。

吾是江南愚直之人。聞佛在此。貪樂道德。至南岸邊。不時得渡。問彼岸人。水爲深淺。彼人見語。水可齊踝。何不涉渡。吾信其言。便尔來過。無他異術。佛讚言。善哉。善哉。夫執信誠諦。可度生死之淵。數里之江。何足爲奇。於是世尊即說偈言。

信能度淵。攝爲船師。精進除苦。慧到彼岸。士有信行。爲聖所譽。樂無爲者。一切縛解。信乃得道。法致滅度。從聞得智。所到有明。信之與戒。慧意能行。健夫度患。從是脫淵。於是村人聞佛所說。見信之證。心開信堅。皆受五戒。爲清信士。明信自修法教。普聞天下。若佛在世。有大長者名修羅陀。財富無數。信向道德。自誓常以臘月八日請佛及僧。終身子孫奉行不廢。長者亡時。囑兒勿廢。兒名比羅陀。後日漸貧。居無所有。臘月已至。無用供辦。愁戚不樂。佛遣目連往問比羅陀。汝父直月欲至。當設何計。比羅陀答言。士父教令不

敢違之唯願世尊勿見忽棄也八日中時廻光臨盼目連即還具白如是比羅陀即將妻至外家質百兩金還舍供辦一切具足佛與千二百五十衆僧往詣其舍坐畢行水下食澡竟還於精舍比羅陀歡喜不敢悔恨其日夜半諸故藏中自然寶物悉滿如故比羅陀

獸三

古

夫婦明日見之喜而且懼懼官見問所從得此夫妻共議當往問佛尋到佛所具白如此佛告比羅陀安意使用勿有疑難汝之履信不違父教持戒慚愧沒命不二聞施慧道七財滿具福德所致非爲災變智者能行不問男女所生之處福應自然於是世尊即說偈言

信財戒財慚愧亦財 聞財施財 慧爲七財  
從信守戒常淨觀法 慧而履行 奉教不忘生有此財不問男女 終已不貧 賢者識真比羅陀聞佛所說益加篤信稽首佛足歡喜還家具宣佛教誨其妻子遂相承繼皆得道迹法句譬喻經戒慎品第五

昔波羅奈國有山去城四五十里有五沙門處山學道晨旦出山人間乞食食訖還山晚暮乃到往還疲極不堪坐禪思惟正定歷年如是不能得道佛愍念之勞而無獲化作一道士到其所問諸道人隱居修道得無勞倦諸沙門言吾等住此去城既遠四大之身當須飲食日日供給往還疲勞經年歷歲勤苦竟已晝日往逐暮輒疲頓不暇復得修道爲當正爾畢命而已道人語曰夫爲道者以戒爲本攝心爲行賤形貴真朽棄軀命食以支形守意正定內學止觀滅意得道養身順情安得免苦願諸道人明日莫行吾當供養

獸三

十五

使諸道人休息一日時五沙門意大歡喜恠未曾有安心定意不復憂行明日日中此化道人送食而來食訖安和心意惔怕於是化人爲說偈言  
比丘立戒 守攝諸根 食知自節 寝意令應以戒降心 守意正定 內學止觀 無忘正智

明哲守戒內思正智行道如應自清除苦化道人說此偈已顯現佛身光相之容於是五沙門精神震動感恩唯戒即得阿羅漢法句譬喻經惟念品第六

昔佛在世時弗加沙王與瓶沙王親友弗金沙王未知佛道作七寶華以遺瓶沙瓶沙王得之轉奉上佛白佛言弗加沙王與我親友遺我此華今以上佛願令彼王心開意解見佛聞法奉敬聖衆當以何物以報所遺佛告瓶沙寫十二因緣經送持與之彼王得經心必信解即寫經卷別書文曰卿以寶華見遺今以法華相上詳思其義果報深羨到便誦

習以同道味弗加沙得經讀之尋省反覆燿然信解喟然嘆曰道化真妙精義安神國榮

五欲憂惱之源累劫習迷始今乃寤顧視流俗無可貪樂即召群臣國付太子便自剃頭行作沙門法服持鉢詣羅閱祇城外陶家窯中寄宿明日入城分衛食訖當至佛所奉受

偈言

夫人得善利乃來自歸佛是故當晝夜

常念佛法衆已知自覺意是爲佛弟子

常當晝夜念佛與法及衆念身念非常

念戒布施德空不願無相晝夜當念是

時化沙門在於窯中爲弗加沙說非常之要

經戒佛以神通知弗加沙明日食時其命將終故從遠來不得見佛又不聞經甚可憐愍於是出尊化作沙門往至陶家欲求寄宿陶家語曰向有一沙門在彼窯中可共止宿也把草入窯坐於一面問弗加沙從何所來師爲是誰以何因緣行作沙門爲見佛未弗加沙言吾未見佛聞十二因緣便作沙門明日入城乃分衛已當往見佛耳化沙門言人命危脆朝夕有變無常宿對卒至無期但當觀身四大所由合成散滅各還其本思惟覺意空淨無想專念三尊布施戒德能知無常見佛無異方念明日種無益想時化沙門即說

默三

十六

弗加沙王思惟意定即得阿那含道佛知已解爲現佛身光明相好弗加沙王驚喜踊躍稽首作禮佛重告之曰罪對無常畢故莫恐弗加沙王言敬奉尊教忽然別去明日食時弗加沙王入城分衛於城門中逢新產犧牛護犧觸殺弗加沙王腹潰命終即生阿那含

天佛遣諸弟子闍維起塔佛語諸弟子罪對之根不可不慎也

法句譬喻經慈仁品第七

昔佛在羅閱祇去國五百里有山山中有一家有百二十二人生長山藪殺獵爲業衣皮食肉初不作奉事鬼神不識三尊佛以聖明知其應度往詣其家坐一樹下男子行獵唯有婦女在見佛光相明照天地山中木石皆變金色大小驚喜知佛神人皆往禮拜供施坐席佛爲諸母人說殺生之罪行慈仁之福恩愛一時會有離別諸母人聞經歡喜前白佛言山民貪害以肉爲食欲設微供願當

納受佛告諸母人諸佛之法不以肉食吾以食來不須復辦因告之曰夫人生出所食無數何以不作有益之食而殘害群生以自濟活死墮惡道損而無益人食五穀當愍衆生蠕動之類莫不貪生殺彼活己殃罪不朽慈仁不殺卅卅無患於是世尊即說偈言

爲仁不殺 常能攝身 是處不死 所適無患  
不殺爲仁 慎言守心 是處不死 所適無患  
垂拱無爲 不害衆生 無所嫌惱 是應梵天  
常以慈悲 淨如佛教 知足知止 是度生死  
佛說偈已男子猶還諸婦聽經不復行迎其夫驚疑恠不如常棄肉來歸謂有變故至見諸婦皆坐佛前叉手聽經瞋恚顰蹙欲圖毆過爲佛作禮佛重爲說不殺之福殘害之罪夫主意解長跪白佛吾等生長深山以殺獵自居罪過累積當行何法得免重殃於是世尊即說偈言

歎三

履仁行慈 博愛濟衆 有十一譽 福常隨身  
卧安覺安 不見惡夢 天護人愛 不毒不兵  
水火不喪 在所得利 死日升梵天 是為十一  
佛說偈已男女大小百二十二人歡欣信受  
皆持五戒佛語瓶沙王給其田地賜與穀食  
仁化廣普國界安寧

昔有大國王名和默處在邊境未覩三尊聖  
妙之化奉事梵志外道妖蠱舉國奉邪殺生  
祭祀以此為常時王母病委頓著牀使諸醫  
師不蒙湯藥遣諸聖女所在求請經年歷歲  
未得除瘥更召國內諸婆羅門得二百人請  
入令坐供設飲食而告之曰吾太夫人病困  
經久不知何故乃使如此卿等多智明識相  
法天地星宿有何不可具見告示諸婆羅門  
言星宿倒錯陰陽不調故使爾耳王曰作何  
方宜使得除愈婆羅門言當於城外平治淨  
處郊祠四山日月星宿當得百頭畜生種種  
各異類及一小兒殺以祠天王自躬身將母

獸三

十八

至彼跪拜請命然後乃瘥王即供辦如其所  
言驅入象馬牛羊百頭隨道悲鳴振動天地  
從東門出當就祭壇殺以祠天世尊大慈普  
濟衆生愍是國王頑愚之甚云何興惡殺衆  
生命欲救一人於是世尊將從大衆往到其  
國在城東門道路逢王及婆羅門輩所驅畜  
生悲鳴而來王遙見佛如日初出如月盛滿  
光相炳然照曜天地人民見者莫不受敬所  
驅畜生祭餚之具皆願求脫王即前進下車  
却蓋爲佛作禮義手長跪問訊世尊佛命令  
起問欲所至拱手答言國太夫人得病經久  
良醫神祇無不周遍今始欲行解謝星宿四  
山五嶽爲母請命冀蒙得瘥佛告大王善聽  
一言欲得穀食當行耕種欲得大富當行布  
施欲得長命當行大慈欲得智慧當行學問  
行此四事隨其所種還得其果夫富貴之家  
不貪貧賤之食諸天以七寶爲宮殿衣食自  
然豈當捨甘露之食來食鹿穢也祠祀淫亂

以邪爲正殺生求生去生道遠殺害衆命欲  
救一人安得如此於是世尊即說偈言  
若人壽百歲 勸事天下神 象馬用祭祀  
不如行一慈

佛說偈時即放光明烈照天地三塗八難莫  
不歡喜各得其所國王和默聞說妙法又覩

觀二

十九

光明甚大歡喜即得道迹病母聞法五情悅  
豫所患消除二百梵志覩佛光相重聞其言  
慚愧悔過願爲弟子佛盡受之皆作沙門各  
得如願王及大臣請佛說法供養一月乃去

法句譬喻經言語品第八

昔弗迦沙王入羅閱祇城分衛於城門中爲  
新產牛所觕殺牛主怖懼賣牛轉與它人  
其人牽牛欲飲之牛從後獲觕殺其主其主  
有子瞋恚取牛殺之於市賣肉有田舍人買  
取牛頭貰擔持歸去舍里餘坐樹下息以牛  
頭掛樹枝須臾繩斷牛頭來下正墮人上牛

角刺人即時命終一日之中凡殺三人瓶沙  
王聞之恠其如此即與群臣行詣佛所到作  
禮畢却坐王位又手白佛言大可恠世尊一  
頭牴牛而殺三人將有變故願聞其意佛告  
瓶沙王罪對有原非適今也王曰願聞其由  
佛言往昔有賈客三人到他國治生寄住孤  
獨老母舍應庵舍直見老母孤獨欺不欲與  
伺老母不在嘿聲捨去竟不與直老母來歸  
不見賈客即問比居云皆已去老母瞋恚尋  
後追逐跋頓乃及責索舍直三賈客逆罵詈  
言我前已相與云何復索同聲共觕不肯與  
直老母單弱不能奈何懊惱呴誓語三賈客  
我今窮厄何忍欺觕於我願我後世所生之  
處若當相值要當殺汝正使得道終不相置  
殺汝乃休不尔不止佛語瓶沙爾時老母者  
今此犧牛是也三賈客者弗迦沙等三人爲  
牛所觕殺者是於是世尊即說偈言  
惡言罵詈 懨陵憤人 興起是行疾怨滯生

遜言順辭 尊敬於人 糜結恩惡 疾怨自滅  
 夫士之生 父在口中 所以斬身 由其惡言  
 佛說是時瓶沙王官屬一切莫不恭敬願崇  
 善行作禮而去

法句譬喻經雙要品第九

昔舍衛國王名波斯匿王到佛所下車却蓋

獸三

二十

解劍脫履拱手直進五體投地稽首足下長  
 跪白佛願以來日於四街道施設微食欲使  
 國人知佛至尊願令衆生遠鬼妖盡悉奉五  
 戒以消國患佛言善哉夫爲國主宜有明導  
 率民以道求來世福王曰至真請退嚴辦手  
 自爲飯身往奉迎佛與衆僧俱至四衢佛至  
 就坐即行澡水手自斟酌佛食飯畢於四道  
 頭爲王說法觀者無數時有兩商人一人念  
 曰佛如帝王弟子猶忠臣佛陳明法弟子誦  
 宣斯王明矣知佛可尊屈意奉之一人念曰  
 斯王愚惑余爲國王將復何求佛者若牛弟  
 子猶車彼牛牽車東西南北佛亦如是子有

何道而下意奉之二人俱去行三十里停宿  
 沽酒共飲評論羈事其善念者四王護之其  
 惡念者太山鬼神令酒入腹如火燒身出亭  
 路卧宛轉轍中晨商人車五百乘慘殺之馬  
 伴明日求之已然曰還國見疑取物去不義  
 輕身委財逝至它國國王崩亡無太子識書  
 云何土有微人當王斯土故王有神馬任王  
 必屈膝即具嚴駕神馬印綬行來國土觀者  
 數千商人亦出國太史曰彼有黃雲之蓋斯  
 王者氣神馬屈膝誠商人足群臣預作香湯  
 澡浴拜爲國王於是遂處位聽省國事深自  
 思曰余無微善何緣獲此必是佛恩使之然

獸三

十一

也即與群臣向舍衛國遙稽首曰賤人無德  
 蒙世尊憲得王此國明日願與應真衆垂意  
 穎斯一時三月佛告阿難勑諸比丘明日彼  
 王請皆當作變化令彼國王人民歡喜各作  
 神足往到彼國皆次就坐如法儼然下食畢  
 託澡手爲王說法王曰吾本微人素無快德

何緣獲斯佛告王曰昔彼天王飯佛於四衢道王心念言佛如國王弟子猶臣下王種斯我今自獲果彼一人云佛者若牛弟子猶車彼人自種車轢之災今在太山地獄為火車所轢自獲其果然非王勇健所能致矣為善福隨為惡禍追此為自作非天龍鬼神所能與於是世尊即說偈言

心為法本 心尊心使 中心念惡 即言即行  
罪苦自追 車轢於轍 心為法本 心尊心使  
中心念善 即言即行 福樂自追 如影隨形  
佛說經偈已王及臣民聽者無數皆大歡喜  
逮得法眼

死者大小聚會唱生梵天以離生死佛語諸婆羅門夫田作畜牧祭祠日月水火唱叫生天非是長存離生死法極福無過二十八天無有道慧還墮三塗唯有出家修清淨志履行寂義可得泥洹於是世尊即說偈言

以真為偽

以偽為真 是為邪計 不得真利

知真為真 見偽知偽 是為正計 必得真利

世皆有死 三界無安 諸天雖樂 福盡亦喪  
觀諸世間 無生不終 欲離生死 當行道真  
七十婆羅門聞佛所說欣然意解願作沙門  
佛言善來比丘鬚髮自墮皆成沙門佛與共  
還精舍至於中路顧戀妻息各有退意時遇

詁三

北一

天雨益懷憂慘佛知其意便於道邊化作數  
十間舍入中避雨而舍穿漏佛因舍漏而說偈言

蓋屋不密 天雨則漏 意不惟行 姪決為穿  
蓋屋善密 雨則不漏 攝意惟行 姮惡不生  
七十沙門聞說此偈雖強自進猶懷瞢瞢雨  
求離生死荅田事日月水火隨時祭祠若有

此前行地有故紙佛告比丘取之受教即取佛問比丘以爲何紙諸比丘白佛此裏香之紙今雖捐棄處香如故佛復前行地有斷索佛告比丘取之受教即取佛復問曰此何等索諸比丘白佛其索腥臭此繫魚之索佛語比丘夫物本淨皆由因緣以興罪福近賢明

則道義隆交愚闇則殃罪集讐彼紙索近香則香繫魚則腥漸染翫習各不自覺於是出尊即說偈言

鄙夫染人 如近臭物 漸迷習非 不覺成惡  
賢夫染人 如附香熏 進智習善 行成潔芳  
七十沙門重聞此偈知家欲爲穢藪妻子爲桎梏執信堅固 往至精舍攝意惟行得羅漢

道昔長者須達買太子園田共造精舍奉上出尊各請佛及僧供養一月佛爲二人廣陳明法皆得道跡時太子祇陀歡喜還東宮歎佛之德作樂自娛祇陀弟琉璃常在王邊時王素服與諸近臣及後官夫人往詣佛所稽

首禮畢一心聽經琉璃在後典衛御座時諸佞目阿薩陀等姦謀啓曰試著大王印綬坐御座上如似王不於是琉璃即隨其言被服昇座諸佞目等皆共拜賀正似大王子載遭遇黎庶之願豈使東宮闕闊於此此之御座豈可昇而復下也即率所領貫鉗拔劍自就到祇洹丘徙大王不得還宮與王官屬戰祇洹間殺王近日五百餘人王與夫人播迸晨夜至舍夷國中道飢餓王噉蘆菔腹脹而薨於是琉璃遂即專制拔劍入東宮斫殺兄祇祇知無常心不恐懼顏色不變含笑熙怡甘心受刃命未絕間聞虛空中自然音樂聲迎

其魂神佛於祇洹即說偈言

造喜後喜 行善兩喜 彼喜難歡 見福心安  
今歡後歡 爲善兩歡 瞥爲自祐 受福悅豫  
是時琉璃王尋興兵衆伐舍夷國殺害釋種道迹之人殘暴無道五逆兼備佛記琉璃不孝不忠衆罪深重却後七日當爲地獄火所

燒殺又太史記記與佛同王大怖懼即乘船入海吾今處水火不得來七日日中有自然火從水中出燒船覆沒王亦被燒恐怖毒熱忽然沉於是出尊即說偈言

造憂後憂 行惡兩憂 被憂惟懼 見罪心懷  
本悔後悔 爲惡兩悔 砥爲自殃 受罪熱惱

佛說是已告諸比丘太子祇者不貪榮位守死懷道上生天上安樂自然琉璃王者狂愚快意死墮地獄受苦無數一切世間豪貴貧賤皆歸無常無長存者是以高士殞命全行爲精神寶佛說是時莫不信受

### 法句譬喻經卷第一

#### 獸三

陶作上音桃萎鳥爲反歎許勿反挾腋二字脣殞命上用敢匿王上尼力反跳鞍上先典反赤衣也挺埴下時力反柔也餉詩尚反觸觸上底削思約榮寢上音榮饔餐下音鐵貪財也愁憤下俱妹反悼愍上音盜傷極巨救糰青上古暗反挺特上亭頂反腹瀆決也漏也

共四末

胖脹上定江定降二歡娛下音愚樂也手捫門下音摩蠶螺上屋紅反躁擾上則到悚息上勇反蠹下都度反無央下於良乞匱蓋但簪音難遲杼氣上神与反體悸下衢季反叩頭上口擊也殯胡對赫弈上許客反下驚愕各反化華音怡懌上余之反下彎轂上烏還反體悸也反張弓深邃深也反擒獲上音禽弓矢下箭旨反挽牽也一發二箭也楫伊入踝玄瓦反以遺夏杼棄上神序下棄字惔怕上徒敢反暇閑一杼棄上神序下棄字惔怕上徒敢反中燒瓦籠牛母牛也山藪下音叟澤無動上音軟細蟲動類也妖蛊下音古兕祭餚竹筍反觸事上音燭識書上楚禁反印綬下音衆賈視也誠書未萌之書印綬受以曹賈莫中莫登二臻側容也舐舌取物以曹賈反不明也接臣上效安莫中莫登二臻側腥臭上音星下佞臣上反觸也觸別闕關下音傾眉反鉗甲斥徙上音尺逐也觸下音贊下也熙怡必孟反噉食徒敢反薰𦵹下音蒲𦵹兄朋反觸也